



**JUDICIAL SYSTEM MONITORING PROGRAMME**

**PROGRAMA MONITORIZASAUN SISTEMA JUDISIAL**

*Komunikadu Imprensa*

*Edisaun: 2011*

*Periodu: 25 Janeiro 2011*

**Workshop Atendimentu Profesionál Saúde no Advogadu ba Violénsia Doméstika iha Distrito Suai**

Iha loron 21 fulan Janeiro 2011, Judicial System Monitoring Programme liu husi, Unidade Justisa ba Feto ka Women Justice Unit( WJU ) realiza aktividade workshop “Atendimentu Profesionál Saúde no Advogadu ba Violénsia Doméstika iha Distrito Suai ba Médiku/Doutores Imfermeiru/a, Parteira no Advogadus sira. Workshop ida ne’e nu’udar sesaun ikus ba sesaun workshop sira ne’ebé hala’o ona iha Dili, Baucau no Oecusse iha tinan 2010 nia laran.

Narador ba programa ne’e mak hanesan Dr. Rui Maria de Araujo Eix Ministru Saúde Timor Leste no aktual ne’e kaer mos konfiansa nu’udar Advogadu UNIFEM kampanye eliminasaun violénsia hasoru feto, Sr. Dr. Silverio Pinto Baptista, Adjunto PDHJ, Sra. Dra. Maria Agnes Bere husi Justice Support Unit ( UNMIT), no akompaña husi Diretór JSMP Luis de Oliveira Sampaio.

Programa workshop ne’e hetan antusiasmu masimu husi Médiku Cubano, Timor oan no imfermeiru/a, parteira ne’ebé mai husi Óspital Referal Suai, Centru Saúde Suai nomos xefe Centru Saúde husi sub distrito hotu mak hanesan Tilomar, Maucatar, Fatululik, Zumalai, Fohorem.

Partisipasaun ne’e hatudu sentidu positivu ba realizasaun programa tanbá profesionál saúde sira sente interessantes bainhira rona esplikaun husi narador sira. partikularmente, tanbá prezensa narador hanesan Dr. Rui Maria de Araujo provoca antusiamu no interese makas ba profesionál saúde sira atu atende workshop ne’e relaciona ho papel profesionál saúde nia responsablidade legal tuir buat ne’ebé define ona iha lei bainhira halo atendimentu ba pasiente husi violénsia doméstika.

Luis de Oliveira Sampaio Diretór ezekutivu JSMP hateten katak, *workshop ne’e nudar parte ba desiminaun informasaun ba profesionál saúde no advogadu iha nivel distrito, nune’e bele kumpriende implemetasaun Lei Kontra Violénsia Doméstika, atu sira hala’o servisu tuir obrigasaun no responsablidade ne’ebé maka defini ona iha Lei Kontra Violénsia Doméstika.*

Partisipantes ba workshop ne’e mos sente kontente ho prezensa JSMP ho programa refere, liu-liu tanbá oradores hirak ne’ebé JSMP konvida hodi aprenzeta materia, aleinde sira ema

kualidade no espertu iha area partikular hirak ne'e, sira mos manan esperiensa iha tempu barak nia laran ona. Antes ida ne'e sira rasik rekuinese katak, sei iha frakeza barak maske ezerse ona sira nia profisaun nu'udar ema profissionál atu halo knar hodi servi comunidade iha nasaun ida ne'e.

Aleinde ne'e sira konsiente mos katak, regra legal ne'ebé durante ne'e regula sira nia servisu, sai preokupasaun bot bainhira sira rasik seidak kumpriende ho didiak kona-ba Lei kontra Violénsia Doméstika no sira mos hetan klarifikasaun diak kona-ba regras etika nu'udar ema profissionál ne'ebé tenke rai segredu pasiente nian iha kazu partikular ruma. Tanbá durante ne'e, profissionál saúde sira konfundí kona-ba obrigasaun legal tuir lei no sira nia kódigu etiku kona-ba segredu profisaun nian.

Tuir observasaun JSMP ba realizasaun programa workshop ne'e katak, maioria partisipantes hotu apresia tebes ho workshop refere, tanbá sira mos sente esklaresidu ho prezensa oradores sira no apresentasaun materia kona-ba Lei Kontra Violénsia Doméstika ne'ebé regula sira nia servisu no responsabilidade legal.

Atividade workshop ne'e realiza tanbá hetan apoiu finanseiru husi duador Ausaid ka Governo Australia.

*Atu hetan informasaun klean, favor kontaktu:*

*Luis de Oliveria Sampaio*

*Diretór Ezekutivu JSMP*

*Email: [luis@jsmp.minihub.org](mailto:luis@jsmp.minihub.org)*

*Landline: +670 3323883*